

**Inuussutissarsiornermut Suliffeqarnermullu Naalakkersuisoqarfik**  
Naalakkersuisoq  
**Landsstyreområdet for Erhverv og Arbejdsmarked**  
Landsstyremedlemmet  
**Ministry of Industry and Labour**  
The Minister



Inatsisartunut ilaasortaq Jens B. Frederiksen  
/Maani

**Nanortalimmi fabrikkip massakut matoqqasup, Royal Greenland A/S-imit pigineqartup, Arctic Green Food A/S-imit tiginissaanut kissaataa pillugu Naalakkersuisunut apeqquqaat**

25.04.2006  
J.nr. 01.27

Postboks 1601  
3900 Nuuk  
Oq/tel +299 34 50 00  
Fax +299 32 56 00  
ip@gh.gl  
www.nanoq.gl

Asasara Jens B. Frederiksen

Matumuuna Naalakkersuisut sinnerlugit apeqquqtitit akissuteqarfigissavakka.

***Apeqquq siulleq***

Royal Greenland A/S Arctic Green Food A/S-ilu KNI A/S-ip ataani isumaqatigiissuteqarsimappat, fabrikkip Nanortalimmiittup Arctic Green Food A/S-mit tiguineqarsinnaanerani?

***Akissuteqaat***

Ilisimatitsissutigisinnaavara Arctic Green Food A/S aamma Royal Greenland A/S fabrikkip Arctic Green Food A/S –imut tunineqarnissaa pillugu isumaqatigiissuteqarmata.

***Apeqquqtit aappaat***

Naalakkersuisut qanoq iliuuseqassamaarpat fabrikkip Arctic Green Food A/S-mit tiguineqarluni ingerlatilernissaanut?

***Akissuteqaat***

Naalakkersuisut suliamut akuliunnissaminut pilersaaruteqanngillat, ingerlatseqatigiiffiit Namminersornerullutik Oqartussanit pigineqartut niuernermit tunngavissaritaasut aallaavigalugit ingerlanneqartussaammata. Illuatungeriit fabrikkip tunineqarsinnaanissaa pillugu isumaqatigiissinnaasimassanngikkaluarpata, tamanna ingerlatseqatigiiffiit pineqartut qullersaasa nalilersugassaraat, tassalu Nanortalimmi fabrikkip pisiarinqarsinnaanissaata tunineqarsinnaanissaataluunniit niuernikkut atugassa-rititaasut aallaavigalugit nalilersoreerneratigut.

Ilanngullugu eqqaasitsissutigissavara Naalakkersuisut piginnittut aktieselskabinut inatsisit naapertorlugit sulisussaammata, tassa imaappoq siulersuisut aalajangiisinnaatitaanerat ataqqillugu. Naalakkersuisut ingerlatseqatigiiffinnik piginnittut sullassaraat ingerlatseqatigiiffiit aningaasatigut ingerlatsinerannik nakkutilliinissaq in-

gerlatseqatigiiffillu anguniagassaannik ataatsimeersuarnerni aalajangiunneqar-simasunik malitsitsinissaq.

### ***Apeqqutit pingajuat***

Nanortalimmi fabrikkimut nioqqutissiassanik pilersuinerit suut periarfissaappat?

### ***Akissuteqaat***

Nioqqutissiassat assigiinngisitaarsinnaapput. Ilisimatitsissutitut oqaatigisinnaavara Royal Greenland A/S-ip fabrikkip matunissaa aalajangiussimmamagu nioqqiutis-siassaalatsineq pissutigalugu imminut akilersinnaangimmat.

Arctic Green Food A/S-ip ilisimatitsissutigaa siunissami qanittumi saarullinnik uuk-kanillu tarajorterineq ingerlanniarlugu. Siunissaq ungasinnerulaartoq eqqarsaati-galugu Arctic Green Food A/S saarullit nerpiinik tunisassiulernissaq eqqarsaati-galugu atortuliilersaarpoq. Ingerlatseqatigiiffiup aappaagu nipisat suaanik tunisas-siorsinnaanissani naatsorsuutigaa.

### ***Apeqqutit sisamaat***

Suliaq unittuussagaluarpat tassunga pissutaasut paaserusunnarput.

### ***Akissuteqaat***

Ilisimatissinnaavakkit Nanortalimmi fabrikkip isumaqatiginninniutigineqarnerata unittoorsimaneranut pissutaasimmat akigitinniakkap isumaqatigiissutigineqar-sinnaasimanginnera. Royal Greenland A/S-ip 4,2 mio. kr.-ilersinniarsimavaa Arc-tic Green Food A/S-illu 2,7 mio. kr.-ilerlugu pisiarerusussimallugu. Tunineqarnera-ni akigitinneqarpoq 3,5 mio. kr.

Naalackersuisut neriuutigaat apeqqutigisatit naammaginartumik akisimassallugit.

Ikinngutinnersumik inuulluaqqusillunga

Siverth K. Heilmann

Inuussutissarsiornermut Suliffeqarnermullu Naalackersuisoq